

սպասէ ոմն լինել պատրիզ, կամեսցիս և դու: Եւ ոչ կամէր նա և բնաւ հաղորդէր ընդ խօսս նոցունց: Եւ ի միում գիշերի ինքնին երթայ առ նա և ասէ. Ահա՛ այսքան դրամ քեզ և արքայի, արասցես զիս պատրիզ: Եւ ասէ. Նա որ էր պատրիզ՝ Հ և ևս էանց ամիս մի ի վերայ որ եկն և բազում դրամով ապա պրծաւ ի սոցանէ, ընդէ՞ր առնես դու: Եւ անարգանօք ի բաց վարէ, և ասէ. Եթէ միանգամ եկեսցես առաջի իմ, գիտասցես զի մեռանելոց ես: Այսպէս նստէր յեկեղեցին յետրէնու թէ Սակս բանի ինչ եկեալ եմ, և երդուի թէ Ոչ եմ ի գործն զոր դուքն կարծէք: Ձայն բան իմացեալ քաղաքացոցս որ էին անդ վասն վաճառուց, և երթեալ առ նա բազում բանս անարգանաց ասին թէ Այր անօրէն և անհաւատ, քանի՛ քանի չհանգչիս և մինչև ցե՞րբ մատնես զեկեղեցիս մեր ի դրունս բռնաւորաց: Նոյնպէս և Աբրօ Ձէլէպին զայս բան առաքէ նմա բազում ահացմամբ: Եւ նա երկուցեալ ելեալ անտի նստէր ի Թէքիրտաղ և ի Կէլիպօլի. և վարդապետքն ոչ խօսէին նմա և ոչինչ, և ուր և երթայրն ընդունէին զնա, զի մի զԹումային մեղադրանս դիցեն վարդապետացն: Եւ գայր նա ի քաղաքս եւ սպասէր զործոյն և զպարզամիտս պատրէր թէ Զքիււրէքճին ի վերայ իմ առնեմ և հանեմ զայն հարկ ի ժողովրդէնէն. և այլ թէ Զեկեղեցիքն շինելոյ աղաւաաւ առնեմ զպատրիզութիւն: Եւ առաքեաց քէհեա վէզիրին թէ Ահա՛ տալիպ ունիս տեղիդ, և ոչ անսաց. կրկին յղեաց մարդ թէ Եկեսցէ զի մօղարէրլէմէ աւարից ի վերայ նորա, քանզի աղճատն զանուն իմ ահա՛ թէ ոչ է ևեթ քէհեան: Մինչդեռ էր Եղիազար աստ, և նա ևս ոչ կամեցաւ զհաստատիւն Մարտիրոսին և թոյլ ետ զի առցէ միւսն վասն գժտութեան որ մտեալ էր բազում անգամ ի մէջ նոցա. այլ և թէ Ղազարն լինի փաթրիզ՝ առաւել խոնարհեսցի նմա: